

Канон святой равноапостольной Нине, просветительнице Грузии

Память празднуем 14 (27) января

Тропарь, глас 4

Слова Божия служительнице, во апостольстей проповеди первозданному Андрею и прочим апостолам подражавшая, просветительнице Иверии и Духа Святаго цевнице, святая равноапостольная Нино, моли Христа Бога спастися душам нашим. (Дважды.)

Слава, и ныне, Богородичен: Еже от века утаенное и Ангелом несведомое таинство, Тобою, Богородице, сущим на земли явися Бог, в неслитном соединении воплощаемь, и Крест волею нас ради восприим, имже воскресив первозданного, спасе от смерти души наша.

Канон, глас 1

Песнь 1

Ирмос: Спасе люди чудодействуяй Владыка, мокрую моря волну оземлив древле; волею же рождся от Девы, стезю проходну небесе полагает нам. Егоже по существу, равна же Отцу и человеком славим.

Припев: Святая равноапостольная Нино, моли Бога о нас¹. (Поклон.)

Отверзи устне мой, Христе Боже, да восхваляю Деву равноапостольную, и проповедницу Нино воспую, и просвети ум мой, да достойную цветы словес украшу по достоянию.

Святая равноапостольная Нино, моли Бога о нас.

Речи чуждых ти племен уразумела еси, прехвальная Нино, и от Духа Свята умудрена бывши, в видении Самаго Господа узрела еси. Темже в земли неплодней, Богомудрая дево, люди Иверския ко Христу привела еси.

Слава: Жестосердья варвары, кумиром служащая, яко голубица от запада воспарившая, любовьию твою обратила еси ко Творцу, и благодатию обновленных, невесто Христова непорочная, Жениху твоему обручила еси.

И ныне: Сосуд благости Твоея, Пречистая Дево Богородице, бысть святая Дева, и страну, жребием Тебе свидетельствовану, просвети. Сего ради молим Тя: сию приими с Тобою в молитву о вопиющих Тебе: помилуй жребий Твой.

Моли Бога о нас, святая равноапостольная Нино, яко мы усердно к тебе прибегаем, скорой помощнице и молитвеннице о душах наших. (Поклон.)

¹ Этот припев повторяется перед первыми двумя тропарями в каждой песне канона. Перед первым тропарем первой и девятой песен припев читается с поклоном, в остальных случаях – без поклона.

Песнь 3

Ирмос: Призри на пения рабов, Благодетелю, врага смирия вознесенную гордыню, носяй же, Всевидче, греха превыше непоколеблемо, утверждения, Блаже, певцы, основанием веры.

Святая равноапостольная Нино, моли Бога о нас.

Милосердия ради Своего милостивно помянув нас, усердну благовестницу содела ты Бог, жену сущу, мужеским смыслом украшену, и исполнену Духа Свята яви нам, и твоею проповедию о Христе, чрез веру в Него, нас усыновил есть.

Святая равноапостольная Нино, моли Бога о нас.

Покрывало от сердец наших безчувственных отпадe, отягченный слух наш от гласа проповеди твоея открыся, омрачение ума нашего разсеяся светом учения Христова, тобою возвещенного, о святая равноапостольная Нино, доблественная ученице Христова.

Слава: Покланявшиися иногда кумиром, и пребывавшии по тьме нечестия, от лести идольския твоим пришествием, блаженная Нино, свободишася, Армаз же вострепета, егда гром возгреме, и неистовства Задена престаша.

И ныне: Тобою, Богородице Дево, от рова нечестия подъяти быхом, егда Ти угодно бысть просвещение наше женою сотворити, повнегда же изыти нам от купели святых, познахом Сына Твоего и Бога нашего блаженною Ниною.

Моли Бога о нас, святая равноапостольная Нино, яко мы усердно к тебе прибегаем, скорою помощнице и молитвеннице о душах наших. (Поклон.)

Господи помилуй. (Трижды.)

Седален, глас 2

Якоже солнце незаходимое, Солнца правды Христа Бога проповедница, светозарная звезда, светлый вселенный светильник, неоцененное сокровище Иверския страны, днесь Нино в земли нашей сияет и благоухает, наставница наша, равноапостольная раба Христова.

Слава, и ныне, *Богородичен:* Тя величаем, Богородице, вопиюще: радуйся, жезле, от негоже безсеменно Бог прозябый, погуби на Древе смерть.

Песнь 4

Ирмос: Рода человека обновление, древле поя, пророк Аввакум предвозвещает, видети неизреченно сподобився образ: младый Младенец бо из горы Девы изыде, людей во обновление, Слово.

Святая равноапостольная Нино, моли Бога о нас.

Якоже лев безстрашна пребывши, крепце Христа Бога проповедала еси: парфян силою чудес уловила еси, Гаианию же и Рипсимию подвигом доблественного их мученичества в дар Христу принесла еси. Той же сохрани тебе самую, во еже просветити тобою Иверскую страну.

Святая равноапостольная Нино, моли Бога о нас.

Якоже орел, во очию твоею возобразила еси Иверскую страну нашу, преславная

Ніно, и святою ревностию по Бóзе разжéгшися, святы́м Евáнгелием сию́ просветіла еси́.

Слава: Власть имúщи разгнáти мглу, мúдраго царя́ просветіла еси́, равноапóстольному царю́ Константíну уподóбльшися, наставнице нáша, и врачу́ смы́сленный. Сего́ рáди ублажáем íмя твоё, дéво, проповéднице Христá, вели́кая равноапóстольная Ніно.

И ныне: От лéсти íдолския Тобóю, Богорóдице, избáвлени бýвше лóдие Иверстии, íхже Тебé жрéбий показá, и благовéстием преподóбныя мáтере нáшея Ніны озарéни бýвше, взывáют к Тебé: избавлénие нáше, спаси́ ны, Мáти Христá Бóга.

Моли́ Бóга о нас, святáя равноапóстольная Ніно, я́ко мы усéрдно к тебé прибега́ем, скóрой помóщнице и молítвеннице о душа́х нáших. (Поклон.)

Песнь 5

Ирмос: Из но́щи дел омрачénныя прéлести, очищénие нам, Христé, бóдренно ны́не совершáющим песнь, я́ко Благодéтелю, прииди́ подавáяй удóбну стезю́, по нéйже востекáюще обря́щем сла́ву.

Святáя равноапóстольная Ніно, моли́ Бóга о нас.

Падóша íдоли во странé Иверстей и создáшася хра́мы Госпóдни тобóю, мáти нáша. Мы же, чáда Сио́на, тобóю просвещéни бýвше, днесь прославля́ем Триипостáсное Божество́, сла́вим Честный́ Крест Христá и чествúем цельбоно́сный Хитóн Егó.

Святáя равноапóстольная Ніно, моли́ Бóга о нас.

Сы́нове тех, íже от дней столпотворéния Вавилóнска злочéстием пленéни бýша, и песнь Госпóдню воспевáти не разумéша, ны́не изшédше от святы́я купéли глаго́лют: во Христá облекóхомся, во Христá крестившеся.

Слава: Егда́ царствова́ фараóн над егíптяны, тии́, во тьме егíпетстей седя́ще, íстинному Бóгу служи́ти не мого́ша; днесь же мы, чáда Сио́на, Ніною избáвлени бýвше, рáдно по́йм Гóсподеви.

И ныне: Егда́ приспé ко мне врач, Пресвятáя Богорóдице, тогда́ востáх от одра́ моего́ немощствúяй, и преподóбною Ніною избáвихся от лéсти íдол нечы́стых, сия́ род Иверский взывáет, глаго́ля: воспева́ю Тя, уповáние моё, Мáти Бóжия.

Моли́ Бóга о нас, святáя равноапóстольная Ніно, я́ко мы усéрдно к тебé прибега́ем, скóрой помóщнице и молítвеннице о душа́х нáших. (Поклон.)

Песнь 6

Ирмос: Обитáя Ио́на в преиспóдних морскíх, приити́ моля́шеся, и бúрю утоли́ти; унзén же аз мучáщаго стрелóю, Христú воспева́ю, зол губителю́, скóро приити́ Тебé к моéй лéности.

Святáя равноапóстольная Ніно, моли́ Бóга о нас.

Возсия́вшу свéту от за́пада, престáни, сэвере, и повéй, ю́же²
, со́лнце бо восхóдит разгнáти мглу, и близ есть дохновéние теплоты́, во éже тáяти лéду: се грядéт проповéдница Христá, Ніна святáя.

² Повей, юже – подуй южный ветер.

Святая равноапостольная Нино, моли Бога о нас.

От тьмы идолюския избавлени бывше тобою, равноапостольная Нино, вси людие Карталинстии воспевают тя, и умиленно зывают: отжени от нас злобу, диавола же и супостаты наша поразь.

Слава: Уготованная тобою при столпе животворнем и месте хранения Хитона Господня купель святая не мертвит младенцы, но сия возраждает, елеем святым умащаючи. Темже вопием ти: радуйся, дево, равноапостольная Нино.

И ныне: Надеждо непостыдная надеющихся на Тя, едина рождающая паче естества плотию Христа Бога нашего, Того со блаженною Ниною моли подати Иверстей стране утверждение и преспеяние в вере, и всем нам прежде конца жития исправление.

Моли Бога о нас, святая равноапостольная Нино, яко мы усердно к тебе прибегаем, скорой помощнице и молитвеннице о душах наших. (Поклон.)

Господи помилуй. (Трижды.) Слава, и ныне.

Кондак, глас 2

Приидите днесь вси, воспойм избранную от Христа равноапостольную проповедницу Божия слова, мудрую благовестницу, люди Карталинстии приведшу на путь живота и истины, Богоматере ученицу, усердную заступницу и неусыпающую хранительницу нашу, Нину прехвальную.

Икос

В гуслах духовных да восхвалятся мудрая проповедница, Иверии просветительница, в купели крещения избранными пастырьми освятившая люди, жребием свидетельствованная, равноапостольная, возлюбленная раба Христова, яже десять заповедей Божиих прият, якоже Моисей Боговидец. Приидите убо, днесь ублажим песнями усердную заступницу и неусыпающую хранительницу нашу, Нину прехвальную.

Песнь 7

Ирмос: Всецаря любовию уловлении отроцы, укорыша безчисленно ярящая мучителя злобное языковредие. Имже повинуся огонь многий, Владыце глаголющим: во веки благословен еси.

Святая равноапостольная Нино, моли Бога о нас.

Чертози царя и царицы яко пленницу и странницу тя призреша, обаче и сия от плена преисподняго благодатию Христовою привела еси ко Христу Богу, Нино равноапостольная, благовестнице спасения.

Святая равноапостольная Нино, моли Бога о нас.

Внегда воздвигнути тебе столп святой и воздеяти рuce твой, устрашишася силы диавола и со трепетом бежаша возрыдаша горько. Мы же вопием: благословен еси, Христе Боже, во веки.

Слава: Возвещаемым словесем твоим, падоша ниц людие, яко от гласа труб царевых, и царства и царие вострепеташа, глаголюще: о пленнице и пленных свобождение! Буди благословено пришествие твое.

И ныне: Яве предреченная пророки, Мати Божия, пренепорочная Дево Марие, пребыванием Твоим во Египте с Богомладенцем, Иисус Христом истуканы египетския сокрушила еси до оснований, и Ниною потребила еси кумиры Карталинии. Буди благословена, Приснодево.

Моли Бога о нас, святая равноапостольная Нино, яко мы усердно к тебе прибегаем, скорой помощнице и молитвеннице о душах наших. (Поклон.)

Песнь 8

Ирмос: Утробу неопально образуют Отроковицы, иже в ветсем опалеми юноши, преестественно раждающую, запечатлену; обою же содевающи чудодейство едино, люди к пению возоставляет благодать.

Святая равноапостольная Нино, моли Бога о нас.

Памяти святых Нины, подобает празднество. Приидите убо, вернии Христу, прославим и возблагодарим милостиваго Бога. Роди же и племена и чада Сиона, в духовней радости торжествуйте купно с нами, глаголюще: слава проповеднице Христа и Бога нашего.

Святая равноапостольная Нино, моли Бога о нас.

Радуйся, страню Карталинская, от Нины венцем Христовым венчанная, светися и благоуукрашайся: призывает бо ны равноапостольная святая Нино, светом Господним вся озаряючи.

Слава: Ты заповедала еси нам, равноапостольная, веру свято блости, ейже новообращенныя люди научила еси. Сего ради вертограды, яже насадила еси в духовней пастве твоей, посети и утверди.

И ныне: О Мати Христа Бога, Творца сущих, сподобльшийся Тобою жизни вечныя род Карталинский храни, молитвами Нины блаженныя.

Моли Бога о нас, святая равноапостольная Нино, яко мы усердно к тебе прибегаем, скорой помощнице и молитвеннице о душах наших. (Поклон.)

Песнь 9

Ирмос: Любити убо нам, яко безбедное страхом, удобнее молчание; любовью же, Дево, песни ткати, спротяженно сложенные, неудобно есть. Но и, Мати, силу, елико есть произволение, даждь.

Святая равноапостольная Нино, моли Бога о нас. (Поклон.)

Вожделенна нам память твоя, дивно чудодейство твое, свято житие твое. Вся нам бывають во благо тобою, Нино целомудренная.

Святая равноапостольная Нино, моли Бога о нас.

Приятелище мощей твоих, благодать источающих, утверждение есть стране Иверийстей. Сего ради и взывает к тебе: блаженная Нино, охраняй нас твоим заступлением.

Слава: Проповеднице и просветительнице, призри на пение наше умиленное и умилостиви к нам Господа, не попусти нам, хвалы твоея ревнителем, во гресех погибнути и, предстоящи Престолу Божию, моли Христа Бога спастися душам нашим.

И ныне: Услыши моления наша, Мати Божия, и преподобная Нины заступлением отжени от нас вся искушения, даруй нам милость Твою, и победу на враги.

Моли Бога о нас, святая равноапостольная Нино, яко мы усердно к тебе прибегаем, скорой помощнице и молитвеннице о душах наших. (Поклон.)